

*Augustini de*  
**REGVLA S. AVGVSTINI**  
ET  
**CONSTITVTIONES**  
FF. ORDINIS PRÆDICATORVM

*Nunc recentè reimpressæ*

Iussu Reuerendiss. Patris ANTONINI CLOCHE,  
eiusdem Ordinis Magistri Generalis.



**R O M Æ, M. DC. XC.**

Typis Nicolai Angeli Tinassij. Superiorum permissu.

# FR. ANTONINVS

## C L O C H E

Sacrae Theologiae Professor, ac totius Ordinis  
Fratrum Praedicatorum humilis Magister  
Generalis, & Seruus.

*Vniuersis, & singulis eiusdem Ordinis Patribus,  
ac Fratribus salutem in Domino, ac solli-  
citam Legum nostrarum custodiam.*



**I**NTER plurima, quæ pro stabi-  
liendo magis Ordinis nostri com-  
muni bono, in præterito proximè  
Capitulo à Patribus proposita,  
& necessaria existimata sunt, illud non po-  
stremum omnibus visum est: vt noua Con-  
stitutionum nostrarum editio studiosissimè  
curaretur; cùm iam distractis aliarum om-  
nium editionum exemplaribus, iamque vsu  
consumptis, perpauca, in quibus Religiosi  
suas Leges addiscant, reperiantur. Hinc  
etiam sperandum fore existimatum est, vt  
facilius resectis quarundam Prouinciarum,  
vel Conuentuum prauis consuetudinibus,  
ad vniformem obseruantiam omnes reuo-  
carentur: si exhibitis nouis, maiorique nu-

I N C I P I T

REGVLA  
B. AVGVSTINI  
EPISCOPI.



Ntè omnia, Fratres charissimi, diligatur Deus, deindè proximus, quia ista præcepta sunt principaliter nobis data. Hæc igitur sunt, quæ vt obseruetis præcipimus, in Monasterio constituti. Primum propter quod in vnum estis congregati, vt vnanimes habitetis in Domino: & sit vobis anima vna, & cor vnum in Deo. Et non dicatis aliquid proprium; sed sint vobis omnia communia. Et distribuatur vnicuique vestrum à Præposito vestro victus, & tegumentum; non æqualiter omnibus, quia non æqualiter valetis omnes, sed potius vnicuique prout cuique opus fuerit. Sic enim legitis in actibus Apostolorum, quia erant illis omnia communia, & distribuebatur vnicuique prout cuique opus erat. Qui verò aliquid habebant in seculo, quando ingressi fuerint Monasterium, libenter velint illud esse commune. Qui autem non habebant, non ea quærant in Monasterio, quæ nec foris habere po-

1

# PROLOGVS IN LIBRVM CONSTITVTIONVM Fratrum Ordinis Prædicatorum.

**V**PIENTES non-  
nulla loca Con-  
stitutionum nostri  
Ordinis Prædica-  
torum declarare,  
à titulo exordium sumendum  
esse censemus: declarantes,  
quòd hoc Nomen PRÆDICA-  
TORUM, fuit Ordini nostro im-  
positum à Papa Innocentio III.  
per litteras, quas direxit Beato  
Patri DOMINICO, & Socijs eius:  
& ab Honorio III. fuit hoc no-  
men approbatum, & à Grego-  
rio IX. in Bulla Canonizationis  
Beatiss. Patris DOMINICI con-  
firmatum; ac demùm ab alijs  
Pontificibus commendatum:  
qui miris laudibus, & præcla-  
rissimis privilegijs prædictum  
Ordinem exornarunt. Vnde  
Dominus Alexander IV. in lau-  
dem, & commendationem præ-  
fati Ordinis sic dixit. Cœlestis  
ille Agricola summus auctor fi-  
dei, præcipuusque protector,  
sacrum Fratrum Prædicatorum  
Ordinem, quasi lignum fertile  
in Ecclesiæ Paradiso inseruit, vt  
delectaret amœnitate, vbertate  
fatiaret, & fructuum suauitate  
mulceret. Hoc itaque specio-

sum, fœcundum, ac dulce li-  
gnum, imbre superno irrigatum,  
pulchra plurima, ac dulcia po-  
ma profert: quorum odore, ac  
sapore confortantur, & conua-  
lescunt debiles, varijsque de-  
tenti languoribus liberantur. In  
hoc vtique vitæ ligno mortales  
homines carnis infirmitatibus  
prægrauati, pabulum salutis in-  
ueniunt, & internam recipiunt  
fospitatem. Huius inquam ligni  
percepta fragrantia, vndique ad  
libamen ipsius concurrunt innu-  
meri Professores fidei: qui assi-  
duè illo perfruentes, & eius sa-  
lutaribus fructibus conuescen-  
tes, de ipsorum prægustata dul-  
cedine, ministrant & ipsi alijs,  
suauia libamenta salutis. Hæc  
est illa generosa plantatio, quæ  
ramos suos vndique expandens,  
flores plurimos honoris, & ho-  
nestatis, fructusque vberimos  
doctrinæ profert, & virtutis;  
& odorem sanctæ, ac laudabilis  
conuersationis longè, latèque  
diffundit. Hic est Ordo Sacer  
Prædicatorum, honestate flori-  
dus, præclarus scientiâ, virtute  
fœcundus, à Sede Apostolica  
meritò approbatus: qui inter

I N C I P I V N T

# CONSTITVTIONES

Sororum Ord. Prædicatorum.

P R O L O G V S.



QVONIAM ex præcepto Regulæ iubentur Sorores habere cor vnum, & animam, vnâ in Dômino: iustum est; vt quæ sub vna Regula, & vnus professionis voto viuunt, vniformes in obseruantia canonicæ Religionis inueniantur: quatenus vnitatem quæ interior seruanda est in cordibus, foueat, & repræsentet vniformitas exterius seruata in moribus. Quòd profectò eò competentius, & plenius poterit obseruari, si ea quæ agenda sunt, scripto fuerint commendata: si omnibus qualiter sit viuendum scriptura teste innotescat; si mutare, vel addere, vel minuere nulli quidquam propriâ voluntate liceat: ne si minima negligent, paulatim defluant. Ad hoc tamen in Conuentu suo quæ præest, dispensandi cum Sororibus habeat potestatem, cum sibi aliquândo videbitur expedire: nisi in his in quibus Magister Ordinis, vel Prior Prouincialis, vel eorum Vicarij ex causa aliter ordinarent. Priorissa etiam vtatur dispensationibus, sicut & aliæ Sorores. Vt igitur vnitati, & paci Sororum prouideremus, librum istum quem Constitutionum appellamus, diligenter conscripsimus: per certa Capitula infrascripta distinctum, vt quod quæretur facilius inueniatur. Declaramus autem, quòd Constitutiones non obligent Sorores ad culpam, sed ad pœnam tantum, nisi propter præceptum, vel contemptum.

I N C I P I V N T  
C O M P E N D I O S A  
C H R O N I C A  
R E V E R E N D I S S I M O R V M  
M A G I S T R O R V M  
G E N E R A L I V M

*Ordinis Fratrum Prædicatorum.*

**D**OMINVS noster, & Saluator Iesus Christus, verus Samaritanus, infundens misericordiosissimè sauciato, vulneribus pleno vinum, & oleum, immò vt verus pater-familias messem videns quamplurimam, operarios autem paucos; nouissimè diebus istis misit operarios in messem suam. Posuit quoque mesiores ad fructus vberes in agro Dominico colligendos, Fratres de Ordine Prædicatorum, qui prædicando verbo pariter & exemplo, confessiones audiendo, ac per alia virtutum exercitia, Hæreticorum propulsa- rent vitia, & extirparent; mundum errabundum verbo doctrinæ illustrarent, tenebris profugatis. Qui supradicti Fratres cum adhuc floruit charitas, affuit benignitas, viguit hominum compassio, in spiritus feruore, abiectis sarcinis mundanarum facultatum, calceati pedes in præparatione Euangelij, pro proximorum salute multis laboribus, & vigilijs, ac periculis, non solum apud Christianorum nationes, verùm in diuersarum regionum partes se disperferunt; morti se pro Christo exposuerunt, & quotidie perseuerant reddere Domino populum acceptabilem: etiam in terris